


民國十九年六月念五日出版

上北平陝災急賑募款委員會意見書

白帝城尹光宇謹擬

歡迎報界轉載，敬祈各界指正。



本書目錄

(1) 緣起

(2) 在河北籌款之方法

(3) 全國賑款之約計

(4) 四十萬元之工賑主張


(5) 結論

(6) 附錄

上北平陝災急賑募款委員會意見書

(I)緣起

陝西全省人口，共計一千三百萬人，自受災後，除餓死者已有三百餘萬人外，而逃荒流離者，尤共有六百餘萬人之多，其倖存之災民，雖尙有二百餘萬人，然皆嗷嗷待哺，朝不保夕，外人調查所得，認爲人類空前未有之災，而朱子橋先生與各同仁兩次由陝歸來，鑒乎災情之奇重，與夫死亡之慘痛，乃有本會之成立，且有本會之延長，蓋爲人類同情心計，倘不如此做去，不足以言救濟事業於萬一也。顧余近自遼寧歸來，雖祇參加本會兩次，然余默察本會一切，熱潮雖屬甚高，辦法則嫌太亂，且所籌之賑款，似不易生效力，吾人在平言平，主張固不防多，惟貴乎有條理之規定，尤貴乎有同一之效能，至北平之經



濟狀況，及社會之普通心理，皆須兼籌並顧，而決不宜或忽，理論事實，兩不可缺，仁人君子，當諒此言，年來余辦綏遠河北賑務，時不敢忘徐主席（次宸）之主張，蓋彼嘗有下列數言，頗有研究之價值也。

（甲）先有極有組織之設計委員會，而後乃可實行。

（乙）少重理論上之言論，多做事實上之救濟。

（丙）凡有主張，皆須一貫。

（丁）救人之災，勿使已亦受災。

（戊）認救災爲人格之試金石。

今者陝賑事急，所謂饑不擇食，故右錄之五項，甲雖暫時不能實現，而乙項至戊項，則余以爲實有注重之可能性，用資借鏡，而求集中，不揣冒昧，謹上此書，以求大會之指正焉！

（2）在河北籌款之方法

會本籌款方法，已往多不勝言，今又續有所增，急應擇其善者，集中精神，歸納辦法，前後貫澈，一次舉行，一面須向社會，從速普遍聲明，祇此一次，爲最末次，以免今日一方法，明日一方法，今日一捐款，明日一捐款，若使人心恐慌不定，反足以背本會初衷，今請免言其詳，以保時間經濟，略陳拙見，以供採擇。

查本會現有之籌款方法，共計下列數種，其尙未進行者，亦併列入，以期告一最後之大結束，在平則可以安人心而符衆望，去陝則可以言救濟而報衆德，余所求者，惟此而已！今將籌款名目，逐一分列於下：

(一) 每張三元之救命券，總數共爲二十萬張，茲述擬消地點如下，

(a) 河北三萬張。

(b) 山西一萬張。

(c) 天津一萬張。

(d) 上海五萬張。

(e) 東北十萬張。

以上共爲二十萬張，計洋六十萬元，

今請言河北者，此項籌款方法，擬請由省政府通飭各縣，分配攤認，爲求實效起見，更宜電准閻總司令，通飭各處，實力奉行，限定一月以內，必須如數繳齊，其令須與軍事特捐，同一嚴格性質，乃易收效，而達目的，此救命券一項，河北全省可望共籌出十二萬元也。

(二) 兒童募款獎給證書，雖已共印有一萬張之多，平均每張以三元計，則不過三萬元而已，現在方銷出者，聞祇有數百張，此事宜急乘各學校尙未放假之先，託各校長及教職員分別擔任，惟須再加印三萬張，共成爲四萬張，務要均作一次銷清，亦限定一月內，必須如數繳齊

乃可，然爲求實效計，宜請由教育廳及教育局，并各高級學校當局，及教育界在野名流，協助辦理，則以北平中小學校合共計之，約二百處，以每處二百名學生計之，合共爲四萬人，每人平均推銷三元，卽爲十二萬元，今列一表如左，以証余言可也。

北平市立中等學校九處

北平市立小學校五十七處（另有一處爲幼稚園故未列入）

女子中學校一處

女子師範學校五處

省立中等學校十九處

職業學校二處

模範小學三處

縣立中學七處

私立中等學校已立案者二十處

師範學校九處

以上共計一百三十三處

右表共計，雖有一百三十三處，而已備案或未備案之私立各學校，至少亦有六十餘處，合計爲二百處，決非臆度之詞，又各大學學生，如願自動出而贊助，則更歡迎之至，吾人以大學生，外埠人居多數，在平親友既少，假後又須回籍，況暮欸時，一切舉止，自以兒童比較爲便，且募欸給証事，對於大學學生，似不適用，因此之故，未敢邀請，非有他也，（此係余個人之理由，當初大會是否此意，因余已去遼寧，故不得而知也。）然若自動表示工作，則固災民之萬幸也，中小學生，募欸若成，連同一項計之，共有二十四萬元矣。

（三）北平戶口，共計有二十六萬戶，人數則爲一百廿六萬人，除去二

十萬戶，皆爲難民，貧民，各省災官，失業份子，旗民，蒙人，及其他之種種毫無辦法之人，又再除三萬戶，爲外強中乾之人家，平心靜氣，實地調查，上中之戶，最低限度，必共有三萬家無疑，以每戶捐二元，平均計之，必能捐到六萬元也，此事祇須託公安局代爲一手經手辦理，必能收效易而且速，由此論之，連前兩項，共計捐入，則已有三十萬元矣。

(四)近來演義務戲之說甚盛，然若仿照綏遠從前辦法，尙可收入一筆巨款，余昨曾向大會報告，今再公佈如下，

當民國十七年九月中旬，余爲綏遠賑災籌款起見，曾排衆難，辦過一次空前未有之義務戲，一切職員，純盡義務，一切雜費，完全免出，卽伶人與藝員及參加之份子，一飲一食，一支一出，亦減其量而稍畀之，既無所謂成例，更無所謂定規，而售票之辦法，亦多

強迫性質，（先開一各團體聯席會議，由各機關團體，分任所銷票數，然後再請軍警協助，必能達到圓滿目的，）且在場服務者，亦須全體一律買票，決不問其看戲與否，更不問其所辦何事，以免多佔有用座位，結果居然籌到八千餘元之多，以災重之區域，論情勢則十室九空，論經融則乾枯萬分，然能有此收入，實因辦理得法，此非自誇，實係至理，蓋余當時主張先受一時之罵，（注意，並非真罵，尤非永久之罵，）祇須大公無私，確能涓滴歸公，必得社會最後好感，可見天下雖有難事，然亦實在無難事也。

依上辦法，照樣辦去，益以余叔岩、楊小樓、高慶奎、馬連良、程艷秋、荀慧生、尚小雲、黃桂秋、郝壽臣、侯喜瑞，諸名伶之合串，必能有一萬元收入，此亦不無小補，而連前項計之，共為三十一萬元矣。

(五)擬在北海辦一大規模之遊藝大會，內設新劇，舊劇，(前演諸人，不必加入，)電影，音樂，西洋跳舞，中西魔術，國術，大鼓，名花清唱，龍舟競渡，相聲，焰火，高蹺，燈會，龍燈，獅子，及其他之形形色色，五花八門，應有盡有，而爲實力能辦到者，均逐一陳列之，再請平津上等外僑，一併加入，以增光輝，門票售洋一元，取消半價向例，入內再欲遍觀各項，每日出洋五元，即可自由來去，否則每項各有定價，場內一切飲食小點，概由本會廉價包辦，不勸捐，不畏難，(對於義務藝員，能不供飯更好，否則用粥廠之大鍋，多煮綠豆稀飯，一則解暑去渴，二則紀念災民，至辦事人，仍皆全免，)三日結果，必能籌到一十萬元，連前計之，共有四十一萬元矣，(至此項售票法，亦按上項行之。)

(六)各電影場及遊藝場各定一日，純盡義務，交由本會派人代辦，劇

日售票，均聽自由，每處平均以三百元計之，則合平安，真光，中央，中天，吉祥，青年會，社交堂，前門樓上，及通俗教育館，並二處遊藝場，共爲十處，亦有三千元之收入，連前計之，共爲四十一萬三千元矣。

(七)本會自宣告成立後，迄今不到五旬之久，卽有自由送到本會捐款，約計十一萬元有零，連前計之，共爲五十二萬元矣，以後每日捐款有無，及其數目多少，均不能定，若以近日情形度之，每日平均收到之數，約在三四百元之間，細查本會一切情形，大約必須再爲展期，方能結束，此係事實問題，決非理論關係，姑再以一月計，每日假定爲三百元，尙可再收入九千元，或一萬元，是則連前計之，共爲五十三萬元矣。

(八)開放故宮城牆及展覽其從未展覽之各貴重古物，門票定價三元，

以一星期爲限，若賣古書照片，抽其收入半數，或不難籌數千元也，連前計之，共爲五十三萬數千元矣。

(九)抽各上中等商舖之一日營業收入十分之一，祇定普行一次，不必久事苛求，大約收入有數千元，連前計之，共爲五十四萬元矣。

(十)書畫展覽會可籌六萬元，今將樓望纘先生之意見附陳如下。

北平陝災急賑募款委員會發行慈善獎券辦法

(一)本會將諸大善士捐助物品如汽車古玩字畫等件列爲獎品發行有獎

慈善券俾售出之款悉數匯往災區辦理陝賑

(二)獎券定名曰陝賑慈善獎券

(三)獎券總額三萬五千張計三元五千張二元一萬五千張一元一萬五千張

(四)自一號至五千號爲三元獎券五千另號至一萬號爲二元獎券二萬

零一號至三萬五千號爲一元獎券

(五)獎券每十張訂一本計三千五百本

(六)三元紙筒五千個二元拿筒一萬五千個一元紙筒一萬五千個混合分

裝木箱陳列各游藝場等處購買獎券者自由抽取紙筒一個如抽出紙筒爲一元則付壹元卽可得獎券一張(餘類推)

上項紙筒抽完則獎券亦卽賣完

(七)獎券賣完後定期開獎無論一元二元或三元獎券均可憑搖出號碼得頭二等獎

(八)開獎辦法另由大會隨時規定分佈之連前計之，共有六十萬元之大宗收入矣。

然余猶恐天下之事，理想每與事實相左，比方除去二十萬元，爲不可靠，或不能足，則其總數收入，至少必有四十萬元，以此而言陝賑，

亦不無小補矣！

(3) 全國賑款之約計

惟余有須慎重告我敬愛之朱將軍及各善團同仁並陝西同胞曰，此次全國募賑總數，大約分計如下。

(1) 天津三十萬元。

(2) 東北三十萬元。

(3) 南方三十萬元。

(4) 大連一十萬元。

(5) 河北四十萬元(以北平人之血汗錢爲最多數，因本會在平故。)

(6) 山西省三萬元。

以上共計一百四十三萬元正，而以前所捐者，猶未計入，華方以前所捐總數，尙無統計發表，以華洋義賑會計之，已去賑糧，共爲一千八

百七十六噸，賑款十一萬七千元，而未來者尙多如鯽，（該會籌賑最早，秦間即有所聞，）則陝災之救濟，處此喊殺連天，全國政局不定之大混亂狀況之下，有此良好結果，實屬大不易矣。

（4）四十萬元之工賑主張

但余擬請

諸公以河北所捐之四十萬元，完全用作工賑，爲陝民開渠，爲陝民鑿井，以爲一勞永逸之計，而免吃完用完，若干日後，又是呼號連天，大不得了，實屬太不經濟，尤非根本救人之道，且現北平人士於市面蕭條中，含辛茹苦，助此義舉，較之他處，至不易得，爲紀念大德計，宜將在陝所開之渠或井，即名曰北平渠或北平井，以示表揚，而勵將來，此誠不可或忽者也，或曰，區區一百數十萬元，救急尙慮不足，焉有餘力以辦工賑，余請正容以答之曰，日俄戰爭，即以兩方攻佔

奉天一役而論，與戰者凡七十萬人，死傷二十萬人，於是結果終爲日勝，使日人若無此重大犧牲，則必不能得到最後希望，歐戰情形，亦多類是，故余主張寧叫死去一半災民，此實莫可如何之事，蓋政府既不要人民，（余乃伊斯蘭教信徒，伊斯蘭者，和平教也，世人多誤以吾至聖穆海默德，武力傳教，實帝國主義者之反宣傳，而無理論及事實上信仰價值，余愛和平，出於良心，決無任何黨派關係，特此聲明，以免誤會。）而吾輩又毫無實力以保全之，迫不得已，乃出此舉，決非有殘忍性之作用也，且以此欸與其不能救活多數，不如保全少數爲妥，故余主張宜以工賑救活半數，使其永遠皆有生存，若行婦人之仁，則難澈底救濟，余書至此，念及陝民，雖已心痛萬分，然實莫奈何也，（如有良策自所樂從，）茲述掘井計劃如下，據華洋義賑會有經驗之工程人員談稱，每開一井，平均需洋八十元正，每井可澆好地二三

十畝，次地十畝，則以四十萬元計之，可鑿井五千個，能澆好地十五萬畝，即最次之田地亦可澆五萬畝，（每畝所產糧食，至少以一担計）根本救災，除開渠外，舍此莫屬，何苦不爲？此事如蒙大會贊同，則以拙見論之，可以完全交託華洋義賑會代辦之，以取駕輕就熟之道，而收事半功倍之益，不惟陝人感激不已，即國際間亦可得好評矣。

（5）結論

本會目的，固在急賑，然余默察中外輿論，多重工賑，而余個人主之尤力，蓋不如是，則余以爲若干日後，不但陝西仍屬有災，即全國之災區，亦將永無辦法，此應注意者一。

全國災區，多至二十二省，以今日之情形論之，陝災之重，固爲第一，然而甘豫之災，亦決不能言輕，陝西之危，將見解除？甘豫痛苦，又將何如？此應注意者二。

余辦綏遠河北之災，在無實際結果之先，決不敢向社會宣傳，（今日綏賑除外，因正服補劑也，）以免空談，而負社會，今者對於陝賑，實因忍無可忍，且受大會六月十九日例會之委託，乃上此書，一獻醜焉，此應聲明者一。

本書所列辦法，雖云多至十種，然得河北省政府同事李君潤叔，平漢路友人樓君望纘，華洋義賑救災總會老友李君仲華供給材料之處甚多，此應聲明者二。

日來氣候酷熱，公務又是雲集，揮汗草成此書，費時不過二日，不到之處，自信甚多，無暇精密計劃，尤屬莫可如何，此應求社會原諒者一。

北平痛苦，非不深知，然與陝災一比較之，實有上天下地之別，從井救人，不得不爾，事逼出此，良非得已，此應求社會原諒者二。

本書計劃，貴在實行，尤貴集中一切辦法，安慰社會之惑疑心，引起社會之同情心，非有普遍聲明不可，此應請大會注意者一。

所上意見，既不敢自以爲是，尤不敢強欲執行，如何之處，悉聽公決，光字決無成見可言，此應請大會注意者二。

余擬以本書之計劃，最低限度四十萬元，向本國銀行團先借一筆整數款項，以之交託素有經驗，而又在陝設有分會之華洋義賑會速在陝境，從事開井，以期實現本會主張，此擬請大會提出討論者一。

本會任何籌款辦法，無論進行如何，以拙見論，至遲七月三十一日必須款皆滙到陝西，糧皆運到陝西，俾辦事有一定目標，而結束有一定期限，一面宜將本書所列各條而爲大會所議決者，速向社會作一有系統之報告，以便社會人士完全了解一切，此擬請大會提出討論者二。

附錄
麥粥施賑良法

轉錄民國十八年九月十六日天津大公報

各省大災，秋冬生計尤難，籌辦粥廠，殆所難免，茲承某君寄示一煮麥法，據謂頗切實際，爰誌如後。

法用大麥磨成麪，每麵八升，加以碎米二升，拌勻煮糊粥賑濟，約每升可濟三四人，大麥與碎米，其價均比其他糧米爲廉，而麵粉粥粗於米粥，非實在飢民不來爭食，又可稍免擁擠，且麥麵米粉入滾水，頃刻成熟，非若米粥燒煮需時，多耗燃料也。

(完)

民國十九年六月二十五日著者印贈



格言選錄

- (1) 救災恤鄰，扶弱濟困，乃重大之天命，亦人格之表示，（穆海默德）
- (2) 萬物一系，休戚相關。（爾里）
- (3) 愛己，愛人，愛家，愛國，愛世界，愛萬物，愛之之道，惟犧牲能行之。（埃佈白克）
- (4) 愛人如己，（耶穌）
- (5) 殺身成仁（孔子）
- (6) 舍生取義（孟子）
- (7) 布施有財施法施二者，財施如出金錢而救貧乏之類是，法施如說正法以轉迷啟悟是，此財法二施皆自慈悲之心而出，故此心即佛之心，（釋迦牟尼）
- (8) 古語云，世間第一好事，莫如救難憐貧，人若不遭天禍，舍施能費淺文，故濟人不在大費己財，但以方便存心，殘羹剩飯，亦可濟人之飢，敝衣敗絮，亦可救人之寒，酒筵省得一二品，賤送省得一二器，少置衣服一二套，省去長物一二件，切切爲貧人算計，存些贏餘，以濟人急難，去無用可成大用，積小惠可成大德，此爲善中一大功德也，（張尙綱）
- (9) 布施有以財施，有以心施，有以力施，人但知以財濟人爲布施，不知凡我之施於人者，皆布施也，故身雖無財濟人，苟爲子而孝養父母，爲下而忠勤事上，爲長而仁慈安衆，爲師而勤於教導，爲友而誠於琢磨，一言一語，必期有益於人，一動一止，必欲無損於世，以及出力救災，拯溺，持危，扶顛之類，種種方便利物，勿使有所損害，皆布施也，（胡太初）
- (10) 患難顛沛，人所時有，偶一遇之，當如痼瘵之在躬，速爲解救，或以一言伸其屈抑，或以百方濟其顛連，崔子曰，惠而不在大，濟人之急可也，（袁了凡）
- (11) 遇貧乏者，宜隨力賑之，不必計其多寡，若待富而後行，恐吾終無濟人之期，（沈龍江）

50
175093

175093

中華印書局代印